

671.1400
077
110

大名府志

閩禹錫洛陽舉人景泰中任開州訓導博學通五經
子史讀書齋閣爲諸生倡歷官國子司業擢監察御
史督學畿輔士子翕然宗之

李瓚臨汾人成化間任大名府歲饑檄州縣儲粟備
賑春散冬歛以濟困乏民無轉徙建浮橋於渡所民
不苦涉弘治間河決荊隆口黃陵岡浸溢長垣東明
境築長堤二百餘里因爲長東保障又築衛河大堤
以防河溢旁植榆柳置鋪夫補葺汕刷民之遊隋者
督令紡織以事生業在任十二年百姓忘分若家人
父子

暢亨字文通河津人成化十四年進士授長垣知縣以廉能擢御史按浙奏罷上供綾紗并請罷溫處銀課而寘中官張慶于法上減銀課責慶呈狀慶構之謫涇陽知縣

熊繡字汝明道州人成化二年進士擢御史按陝西發左布政使于璠以官帑賂苑馬卿邵進璠進除名繡左遷清豐令殫心民瘼均省徭役立重輕歲給之法民甚便之久之巡撫延綏練兵積粟邊政修舉入爲兵部侍郎尚書劉大夏深倚信之繡清釐騰驤四衛詭冒萬四千人劉瑾大恨之正德元年總督兩廣

秋毫無所取二年平賀縣獾召掌南京臺務奉中旨
罷官卒贈刑部尚書謚莊簡

楊動三原舉人志甘清苦二子皆不令入官舍間來
省視輒卽遣還敝袍布履其心休休然也去之日民
有致饘者動語之曰在濬數年果嘗受人一錢否

洪遠歙縣人成化二十年知濬縣政尚寬平救荒盡
力百姓翕然歌愷悌焉仕至南京戶部尚書

劉自省莆田舉人署大名教諭獨居僧舍講解經書
承指授者多得科第郡守張公謙嘗割貲爲之起舍
宦至長沙知府

鮑琦字德璋麻城舉人弘治元年任魏升嚴明正直
飭學校置倉廩築堤捍水民號鮑公隄檢討劉春歌
曰田彼南畝兮絃誦維時河伯斂虐兮捍禦孔宜廩
有餘粟兮箐有餘衣桑麻連野兮榆柳蔽翳願歷歲
兮百年爲期

杜啟字子開吳縣進士任長垣百姓感其治河之功
生徒佩其講易之訓擢監察御史

張鳳宜春進士內黃令法律精明恩威並著興利革
夙弊尤勤於造士改建廟學甲於隣境儲穀數萬以
備旱潦膏澤下逮吏民呼爲神張官至山東巡撫

王憲字維綱東平州人弘治三年進士七年自阜城
改任滑嚴毅自持鋤強扶善平賦均徭去後人思歷
官巡撫總制三邊以禦寇應州敗囊吉於青羊嶺加
官保三蔭百戶因九廟成請釋議禮之得罪者忤張
璉桂萼意召爲司馬立京營操演法軍功襲替格式
上皆從之卒贈少保諡康毅

王德無錫進士學博識精工文筆治繁劇裕如嘗抗
言於太守均南樂役銀八百於諸州邑時開州牧李
嘉祥諸人咸服其公

朱應昌夏津進士弘治間授元城尹廉介自持才猷

綽裕聽訟無冤無滯清聲著於遐邇

許讚字廷美靈寶人弘治九年進士授推官以辨疑獄知名擢御史至刑部侍郎劾武定侯郭勛受賂勛奪俸進冢宰詔宮僚閣臣多引私黨讚乃舉名宦十人加少保與嚴嵩相錯謬上切責遂不敢抗官至文淵閣大學士贈少師諡文簡

王瑩字汝潔弘治進士知開州值歲饑之後百姓流亡載道瑩招撫復業給牛種復仿常平法以實倉儲設社學以教其子弟黃河泛溢築大岡閘家潭堤岸開賈魯河二百餘丈水勢以殺而政令寬雅有儒吏

氣象

李嘉祥貴池人起家進士弘治十年知開州燭奸剔弊如神勤於考課文風丕變毀淫祠修城郭民不知擾及正德中薊盜劉六犯境百姓益頌其功不置云歿祀名宦

韓福字德夫天長進士令滑有聲弘治十一年以御史出守大名時承平久正統間設有民壯名存實亡盜稍稍起福立團操保甲法至道不拾遺置認物亭行旅者如歸其家在位八年治平爲天下第一賜晏光祿時昭聖家奴驕橫訟累年不決命福往按懲首

惡諭餘黨卽曰帖赫魯宗賜衣二襲銀五十兩官至戶部侍郎

陸崑字如玉歸安人弘治九年進士知清豐以廉幹徵擢南京御史武宗卽位疏陳八事言郎官建言如李夢陽楊子器當加旌擢劉大夏王軾之賢張元禎陳清之不肖不宜倒置又薦部郎胡世寧等二十人可加倚任劾中官高鳳苗達且請屏絕晏遊騎射上不能從及劉瑾漸熾崑偕十三道御史上疏極諫拜杖三十除名世宗初起用未行而卒

貢安甫字克仁江陰人弘治十年以進士任長垣廉

明莊重以實心行實政民甚德之孝宗時官御史
陳邦器莆田進士銳意人文修葺廟學日與諸生課
親爲講解指授南邑士子傳尚書者多受其教
華珩章邱進士弘治間任元城令湔刷吏弊務絕其
源聽訟則發奸摘伏如燭照而數計之裁節冗費與
民休息時稱爲循良之首

潘鏗字宗節六安人弘治九年進士有孝行由滿城
任滑以廉入爲御史陳時務四事孝宗嘉納之正德
初以論高鳳爲中人所忌除名八年起廣東僉事謝
疾歸

唐錦上海進士弘治間知東明縣事才猷敏達發奸
摘伏如神監司交薦之擢兵科給事中

郭宗伊福山世家純厚無貴介氣事兄甚謹任大名
教諭教諸生崇道學捐俸贍貧生聞言善卽割記於
冊以志不忘

陳滯寧遠舉人能詩文尤善談兵大名府教授巡撫
薦其有文武才擢知濬縣值流賊亂募兵設守賊至
出奇克敵城賴以完轉大名通判至太原知府崇祀
名宦

劉鸞白水舉人正德五年任東明縣流賊攻縣鸞率

衆死守身中二鎗神色不變巡守愈堅一日賊始解
上聞賜綵緞以寵異之

姚文清陽曲進士遇薊盜劉六之亂文清設備拒守
南邑城社賴以無患暇則修舉廢墜清賦均徭民惜
其丁艱而去思之既久卒爲立碑

高夔寧州舉人沉毅有大畧尹魏縣時流賊劉七齊
彥明等攻掠畿南夔先修城繕器以待又因鮑公堤
築外城重關疊險夔復敢先士卒挫賊鋒益不得肆
祀名宦

孫孟和商河進士正德六年知滑縣流賊倡亂大名

屬縣多爲所破孟和誓衆死守卒賴以全百姓感入骨髓擢御史

馬卿字敬臣林慮進士歷戶科左給事中劾逆瑾揭
靳學士家奴洩試題出守大名值薊盜猖獗郡素無
守備卿至檄州縣繕城濬池募士收寺觀銅鐵爲兵
命知縣陳智教諭陳惻爲操長威聲振河朔盜不敢
犯乃南圍東明十二日不能拔兵後歲饑請留粟振
濟詔遣侍郎王

行視未至粟已先發頗不愜侍

郎意及入境民情安帖乃嘆服爲能吏闡黨寤杲巡
撫真定令供餉二千卿請印文杲不能奪官至漕運

都御史

何塘河內進士授翰林修撰忤劉瑾謫開州同知王
端溪稱其有一介不取之廉萬夫不奪之勇官至禮
部侍郎謚文定卒入名宦

張漢卿字元傑儀封人正德六年進士八年來尹魏
嚴明果毅清聲徹朝野徵拜刑科給事中陳杜僥倖
廣儲積愼刑獄三事武宗南巡偕同官伏闕諫世宗
卽位請發帑十二萬振大同軍民遷戶科都諫嘉靖
元年奏皮廩起於馬永成鷹坊創於谷大用皆奪民
恒產今馬俊趙黻請留之乞治其罪又諫后父陳萬

言營第乞莊非體又言中官梁棟梁政糜銀耗粟皆
報聞而已及大禮議起受杖削籍終身不召

潘中鉅澠池舉人知內黃恬淡樂易與民道疾苦時
出家財自給織芥無取於里甲河隄修築歲費薪槁
萬計力請豁免百姓感之

張治道長安進士興利除害動中綦肯嚴於禦吏百
姓乃不畏吏而愛官正德十年任長垣以廉幹擢刑
部主事

伍餘福字疇中才高文章震一世葺雙忠祠集士子
讀書其中暇則親與講解文必手自評定以優劣爲

獎勸而不瞻者以田佐膏火垣邑士之興起於學者皆其遺教也歷陞兵部郎中

鮑徵歛縣歲貢清豐訓導居官有冰栢聲上司聞而嘉獎之擢景寧教諭祀名宦

朱統字子純長洲人正德十六年進士嘉靖二年知開州操廉介汰冗費釐弊政羣吏肅然備兵四川定深溝番亂巡撫浙江值倭人倡亂統創之斬獲幾絕令番泊不得入港豪民失賈利百計搆諸朝遂遣按問統藥死而倭亂遂不可收拾矣統居官清強峭直勇於任事其卒也朝野痛之

賈世祥代州進士嘉靖初知涇縣端方凝重造就諸生講授不輟寒暑而政事亦復不阿不執酌地均糧民乃無偏累之苦

王芳荆襄人起家進士任魏縣令政先德化以古循賈自期值歲歉多方振濟民食其利中官譖之被逮謫判宿州以子貴贈兵部侍郎祀名宦

潘塤字伯和山陽進士由兵科都給事中忤權貴謫開州同知興廢舉墜先是城中鮮居民塤募富豪廬其中由是不畏寇盜又修忠烈祠祀鄉先生以爲民望聘修府志在在見惻怛慈愛之意官至副都御史